

四庫全書

子部

欽定四庫全書

六藝之一錄卷九十六

錢唐倪濤撰

石刻文字七十二

宋碑詩刻

石延年籌筆驛詩

予家藏石曼卿大書籌筆驛詩宛類顏魯公心畫今
友人曾無疑又示其行草二十字絕似柳誠懸范文

正公云曼卿之筆顏筋柳骨諒哉

平園集

右驛在蜀中綿州石曼卿為諸葛武侯賦也寶元二年大書以遺朱復之後二年朱為四明節度推官遂刻石於廳事中更兵火碑仆於榛莽間凡百餘年劉倬至出而函置南堂壁間且以名其堂闕一角尖十五字紹熙元年守林采得曼卿集而補之且舉范文正公誄石學士書於後云曼卿之詩氣雄而奇大愛杜甫酷能似之曼卿之筆顏筋柳骨散落人間實為神物今觀此詩此字則所謂實為神物非虛器也青

萍劍名杜詩秦州見勅目除薛畢有誰定握青萍之

句

蘆浦
筆記

霍山中鎮廟宋陳綱詩

留題霍山應聖公廟 太常博士知晉州陳綱

峻極巍峩勢望雄層巒疊嶂翠重重為神有感興唐
祚作鎮無疆福晉封材產十州資構厦泉分數邑潤
耕農幽巖舊搨高人隱絕頂遺墳古帝蹤欲雨片雲
生峭壁未明先日照危峰斷崖當午晴雷震深壑經

秋積霽濃樵去每逢遊洞鹿僧禪時見戲潭龍名光
祀典傳千載御祝牲牢致享恭

大中祥符五年六月二十二日奇嵐軍判官鄭世卿

書 栗再興刻字

求古錄

靈巖寺宋李迪詩

大丞相文定公游靈巖詩

靈巖山勢異金地景難窮塔影遮層漢鐘聲落半空

千峯羅雉堞

山如城壁之狀

萬仞聳屏風飛鶴來清竇

有雙鶴泉

剡魚掛古桐名曾參四絕峰合亞三公勢澈河濡遠

行差嶽鎮雄僊閭鄰峻極月觀伴穹崇邃洞連蓬島

重巖鑿梵宮

山面有證
明功德巖

望應銷俗慮登喜出塵龍獻

壽嵩衡並分茅岱嶽同良方標出震午位對升中嵐
滴晴煙碧崖鋪夕照紅巍峩齊泰華奇勝敵崆峒鍊
句供詩客模真怯畫工天孫分恠狀神化結全功吟
賞慵回首林泉興愈隆

先丞相天聖間嘗留詩寺壁後主僧刻石逮今歲久

字畫刊缺因命工再刊石紹聖五年三月中泚日姪
曾孫新滑州白馬縣主簿李侃敬書

右小石刻在濟南府長清縣靈岩山寺中其山距
府九十里南接泰山北帶龍洞齊乘以為疑即水
經之玉符山而魏書所云朗公谷者在其東南自
前代稱為勝境宋金元人題字最多予至則當兵
火之後縱橫偃蹇委之荊棘瓦礫之中然猶得唐
一宋金四十餘元以後不能悉數唐刻為天寶十

一載造舍利函記文不工不足錄而宋刻年月次
以此首按史李迪謚文定前後三知兗州其再任

乃仁宗天聖中也

求古錄

滕涉詩

天聖戊辰歲七月奉詔解青社印歸闕道出魯粵十
四日經靈巖之山靈巖古地也山經地志頗載奇勝
因飭駕游于是於時金火交勝天宇如灼周覽未卒
頓獲清涼蓋古之君子登名山覽絕景思有以不忘

者矧今相國隴西公復題名于壁余因命筆以繼君
子之行兼記歲月而已 行右諫議大夫前知青州
軍州事滕涉

山半舊招提捫蘿躡石梯佳名標四絕勝境出三齊
殿古煙霞窟庭深檜柏蹊嶽靈分地界雲險接天霓
香篆清風裊松廊翠巘低飛塵無路入幽鳥隔巖啼
夢破泉聲急飄涼竹韻淒微陽生頂上殘月落峯西
暫到猶塵慮長居信覺迷致君功業就向此卜幽棲

求古
錄

祖無擇詩

寺有四絕一曰靈巖余以赴官獲茲稅鞅因賦拙句
用志其行 新通守濟南祖無擇

嘗想靈蹤得道難因回征轡此盤桓松風逗磬僧齋
冷石水環堂客夢寒聖作儼同堯典布寺有偃蓋松
白鶴泉及太

宗皇帝御
製御書

古碑猶是魏朝刊最憐山色當樓好欲去

重來一凭欄 景祐五年十月廿三日

求古
錄

孔舜思詩

題靈巖寺 尚書職方郎中通判齊州孔舜思

忽從平地出塵籠親到諸天釋梵宮却悟冗官長役
物爭如大士日談空山橫青壁千層合泉迸丹崖一

線通幽鳥靜啼人外境疎鐘不隨世間風目無可欲
猿猱伏心絕微塵氷鑑融自恨無緣陪宴坐它生願

效種松翁 熙寧九年丙辰十月 缺 日住持傳法

賜紫沙門 缺

立石 錄 求古

張會宗詩

留題贈靈岩鑒公禪師 守秘書丞分司南京張會

宗

人中令德居高地天下精藍占好山四絕名標清世

上十方僧聚白雲間二龍珠照看經靜

寺僧謂予曰此寺嘗有識

者曰二龍玩珠勢也

雙鶴泉供洗鉢閒早晚利榮韁鎖脫性通

三教扣禪關 丁巳三月二十七日

錄求古

鮮于侁詩

留題靈巖寺七言一首
兼簡載師長老
鮮于侁

馬煩筆策車馳轍終歲塵勞常碌碌
喜聞巖寺並山中
路轉清溪入幽谷
乍行山口疑洞天
窮深一上翻
平田千層臺殿隱
林木四面石壁生
雲煙山僧迎門
笑相揖為語
祖師存往迹
屈指于今八百年
已在西來達摩前
鶴鳴飛止黃金地
錫杖湧起清涼泉
境稱四絕名天下
天台石橋乃其亞
千峯不改歲寒時
一水最憐秋月夜
半生遊學頗艱辛
且向空山老此身

也知方丈安禪處解笑東西南北人 元豐二年正

月五日住持傳法賜紫守載立石

求古錄

寃亭卞詩

留題靈巖古詩十韻

寃亭卞

卞字下缺石一角

屈指數四絕四絕中最優此景冠天下不獨竒東州
夜月透巖白亂雲和雨收甘泉瀉山腹聖日穿崖頭
大暑不知夏爽氣常如秋風高松子落天外鐘聲浮
祖師生朗石古殿名般舟人巧不可至天意何所留

老僧笑相語此事嘗窮求移出蓬萊島待吾仙子遊

元祐庚午三月二十八日東武王璞書

求古錄

蔡安持詩

四絕之中處最先山圍宮殿鎖雲煙當年鶴馭歸何

處世上猶傳錫杖泉元祐壬申十月中浣睢陽蔡

安持資中題

求古錄

杜欽況詩

靈巖行杜欽況

山迴路疑絕林深秘巖扃鑿翠出金碧開軒列雲屏
希有昔成道久矣斯巖靈法定卧蒼壁白日穿空明
金威指泉竇一鑒秋寒澄定水供言衆不縮亦不盈
如公禪中秀於世本無營聊為出山雲乘風任縱橫
坐令多寶藏百神轉雷霆夜月嘯雕虎玉匣開晶瑩
笑指八解池外流中不傾何必空山雷始悟物我情

宣和六年三月廿七日書

求古錄

呂惠卿詩

留題興安王廟 資政殿大學士河東路經略安撫
使呂惠卿

翦葉䟽封意歸禾協濟心遺風因唐遠積德本周深
逝水悲興廢浮雲閱古今祠宮尚翬翼鳴玉漱招陰
右小石刻在晉祠祠距府西南四十里懸壺山之
麓晉水之所發源後人於此引池結亭駕橋其上
杯水翳然足為一方之勝其廟負山而東面者晉
水之神南面者唐叔之神後晉天福中封唐叔為

興安王而宋時又封晉水為顯靈昭濟聖母飾為婦人之像今之人但言聖母而不復知有唐叔為古先有土之君矣故特錄此詩亦以此祠自唐御書之外別無文字故也祠前蓮花臺上有鐵人一紹聖四年一五年造俱完一弘治十一年一無年月俱壞因知今人制作不逮古人類如此豈獨

文章也哉

求古錄

王安石此君堂詩

王荊公與其弟平甫此君堂詠竹二首相傳皆公所
書石刻在今應天府學公書氣韻飄逸勢若率然而
未嘗無從容整暇之意亦自成一家昔人論公書類
忙時所作此說非也但學書者不可為法耳

東里集

宋蘇軾書樓觀詩

詩刻在唐靈應頌碑側道逸可觀元人以磨泐別摩
一碑今時搨者是元刻原碑側字雖不可搨而視此
霄壤矣詩則余不敢知為何語也

石墨
鐫華

蘇軾書上清宮詞

上清宮即徐鉉作碑述神人降于鳳翔者今在盤屋
盤屋昔屬鳳翔子瞻判鳳翔過此要子由同賦薛紹
彭請書刻石道逸豐美比公他書尤勝石舊在本宮
一道士院中斷為二余與余友徐宣伯偶過觀之捐
二紙其後邑侯王公之相移置衙齋作碑亭焉
石墨
鐫華

蘇子瞻行書歸去來辭

右石本在潯陽長公此書用筆圓鋒鏐都不露後有

跋差大字更疏爽余少藏是本每暇則臨數百字嘗
慨想惠順自言惠州不在天上之語而壯之謂其間
關萬里只求長公一書為誕及今觀之此公書真足
以博惠公一死然公不書他文而獨書靖節此詞豈
非所謂飽吃惠州飯細和淵明詩者深有感于中耶

立牘
記

黃庭堅書陰真君詩

此石刻在夔州漕司白雲樓下黃書無出其右者嘉

定已巳四月辛卯放翁書

渭南集

陰長生此詩非山谷書之幾沒於世然此卷卒為世所重者豈以其詩哉抑之刑曹好藏古法帖能識其妙此又其先博士公時已藏又其家之故物云

鮑翁家藏

集

山谷老人書後漢陰長生詩三首今藏刑部尚書馬公柳之題其後云忠州本都山仙都觀朝金殿西壁有天成四年人書陰真君詩三章余同年許少卿以

為真漢人文章也以余考之信然偶得佳紙為鈔此
詩穆觀道家書往往言及陰君今併觀其詩誠不凡
之仙也詩詞旨高古而人間少傳故錄之其一維予
之先佐命唐虞爰逮漢世紫艾重紆予獨好道而為
匹夫高尚素志不事王侯貪生得生亦又何求超迹
蒼霄乘飛駕浮青鸞乘翼與我為仇入火不灼蹈波
不濡逍遙太極何憂何慮遨戲仙都顧閔羣愚年命
之逝如彼波流奄忽未幾泥土為儔馳走索死不肯

暫休予之聖師體道知真昇騰變化松喬為鄰其二
維予同學一十二人寒苦求道歷二十年中多怠惰
志讓五經避世自匿二十餘年名山之側寒不遑衣
饑不暇食思不敢歸勞不敢息奉事聖師承顏悅色
面垢足胝乃見衰識遂傳要訣恩深不測妻子延年
咸享無極黃白已成貨行不堅痛乎諸子命也自天
天不妄授道不歸賢勤加精研勿投幽壤何時可還
嗟爾流俗富貴所牽神丹一成昇彼九天壽同三光

何但億千其三維予垂髫少好道德棄家隨師東西

千億役使鬼神玉女侍側予得度世神丹之力

寓意編

右山谷書陰真人詩三章自題云書以與王瀘州之

季子而不著其名末云紹聖四年四月丙午禪月樓

中書按公紹聖元年謫涪州時王獻可帥瀘遇之甚

厚獻可字補之嘗遣其少子至黔省公公集中有與

其少子王秀才書云車馬遠來將父命以厚逐客者

是已蓋王嘗遣其季子至黔此書相見時書故不及

於簡札耳觀其稱與而不云寄可見矣黃芻作公年譜嘗援以為據而不得詳予因略疏之此書初作方寸字後皆拳許大書蓋用敗筆草草寫成瓌瑋跌宕一出顏東方朔贊但字字剪轆成卷必是大軸經庸

人裝截耳

甫田集

黃庭堅書七祖山詩

山谷登七祖山次周元翁韻詩其書本得意筆而為再刻故且石頑而工拙所用峭側取老取媚筆意殆

盡其僅存者偃蹇桀驁之態耳詩亦頗自負得意語而類若為拙工頑石所侵者何也人苦不自知何緣

復寄王子駿

弇州山人藁

黃庭堅行書遊青原山詩

右碑遣筆俊偉惜刻手不佳有失真處然風神固在余嘗謂涪翁二詩如後首釣魚臺云笋蕨林塘晚絲絳歲月餘綽有唐意但以前篇觀之則用韻既險而說理又晦率多牽強餽湊欲令人以意解之此所以

謂江西派也

蒼潤軒
碑跋

蔡端明詩刻

蔡端明書在宋代為第一萬安渡直欲迫摩崖此數

詩結體員勁典型俱在駸駸入顏光祿之室矣嘉靖

甲寅六月三日雨中借姚氏本觀于蒼潤軒因題

續

紀

薛紹彭詩刻

虞學士集評書謂坡谷出而魏晉之法盡米元章薛

紹彭黃長睿方知古法又云長睿書不逮言惟紹彭
最佳而世遂不傳米氏父子世學其奇怪據此似于
坡谷之後獨取紹彭也今中南樓觀有紹彭書詩刻
余凡得五紙其一書唐人玉真公主莊玉真觀諸詩
小楷法出入黃庭洛神無一毫滲漏其一書蘇子瞻
詩其一書其叔薛周詩其一書王工部詩其一書一
絕句字稍大或作真行其法皆自晉唐絕不作側筆
惡態真可寶也紹彭號翠微居士其父師正重模定

武蘭亭其子嗣昌刻智永千文蓋世有書學者伯生

之鑒精矣哉

石墨
鐫華

李駒遊中南詩刻

李駒通判秦中留題中南而鄆令崔珙書刻石駒詩

珙書皆不離宋人本色留之以見時代之下人自不

能使超也崔珙是又一人非唐廢相之判鳳翔者

石墨

鐫
華

黃魯直行書此君軒詩

右弘治辛酉長洲薛英按蜀獲此碑于南榮立于分
司覆之以亭自以為起廢涪翁九原之英爽亦一蘇
醒昨玉泉公在南宋分司早發時忽見破屋中樹一
石自披荆視之因搨以歸噫好事如玉泉公使薛老
有知其亦蘇醒已乎涪翁此書與詩頗奇偉自言咄
嗟而出文不加點蓋亦一時之興所至爾程嬰杵臼
二句煞有江西派之意也丁巳六月雨中觀于蒼潤

軒紀

立牘
記

黃魯直行書語溪行

右字遣筆妙刺手亦在青原詩之上

立讀記

司馬公祠堂詩

司馬晉州待制哀辭 太常博士通判延州軍州事

馬端

志古流難合談高道自明風波直恩分

公為羣牧倅當曹之遷也

人以公始嘗堅辭其辟當自為辨公惻然謝曰今日正宜從其行也卒不以辨識者避之 鍼石盡

交情

公與人文必盡規諫始若不勝其言退則敦義彌篤

讓節蒙知厚

公在鳳翔日被

召知諫院公辭之
自是深簡上心

華班絕綺榮

公生平特立至為賤
侍從皆出宸選

生懷感遇當路假晶瑩

端爵公以八使
慰薦遂蒙改官

累次青油幕

端在益昌及岐
下皆預賓席

中間白玉京吏文容議緩

端在幕府
每奉公議

特被
優假邦事恤言輕

戊寅年端輒奏疏論事公
時在京師嘗見憫孤直

自此嗟

流梗何期苦見兵

是歲別公出宰郾
城明年移倅邊郡

塞垣心易動漳

浦信彌驚

今春得三堂
信知公屬疾

玉藥悲無驗金臺望忽傾歲

關雲慘淡天迴淚縱橫世有真忠亮今亡至直清舊

僚知葬日投此吊佳城

嘉祐元年十月三十日著作佐郎管勾河東路機宜

文字雷憲書

右小石刻在夏縣司馬公祠堂西館中

求古錄

謁司馬溫國公墓詩并序

附錄

予到官之五日拜司馬溫國文正公墓顧瞻良久而
有是詩實至元改元閏十二月既望也洞洋後學范
庸頓首書

蒼蒼中條山悠悠涑河水哲人生其間而有司馬氏

山水秀且明桑梓故鄉里宋朝入相時天下聞之喜
通鑑一編書名分盡乎禮天地大是非以禮為綱紀
大哉君臣道逆順合條理遂令千載下驚懼良有以
禹都鳴條岡邱墳峙高壘大儒世臣家何處孫與子
我時來拜瞻昆仲沒荆杞考古詢寺僧懷賢心未已
黨人仆其碑今日果誰恥杏花陰龜趺異事入青史
細讀東坡銘文章剌褒美回首悲風來商聲振林起
大元至元四年四月九日餘慶禪院尊宿僧行選立

石

右小石刻與馬端詩同嵌一壁

求古錄

宋集右軍書牡丹詩

牡丹詩較絳州碑差覺風流而老勁處不如時有一

二筆纏綿者右軍帖中亡此也

石墨鵝華

宋贈夢英大士詩刻

贈英公詩者三十餘人陶穀宋白蘇易簡郭忠恕諸人皆在其中而備諸惡道無一首合作宋初人口語

如此無論初盛何可令許渾見也書手出廬岳僧正
蒙得誠懸法以英公廟堂碑觀是其相知之深者故
欲有効于英耳詩中書劉伶作劉靈

石墨
鐫華

宋刺僧彥修草書詩

彥修草字詩李丕緒刻之于石曰筆力遒勁得張旭
法今觀其書殊無一筆似張長史者王元美曰如淮

陰惡少年風狂跳踉良是

石墨
鐫華

宋慈雲寺集右軍書詩

此晉之玉兔寺志應請之張仲尹詩之靜萬集右軍
書之集書起自文皇聖教後之興者蔑以加矣此書
尚不及絳州碑僅存形似耳詩則余不敢知也

石墨
鐫華

范成行書四時田園樵興詩石刻
右范石湖行書後有周伯琦跋云公以文學知遇思
陵阜陵遂登執政此詩蓋謝事後所作曲盡吳中郊
居風土民俗不惟詞語膾炙人口而筆墨標韻步驟
蘇黃之下使人健羨名不虛得詎不信然余向讀石

湖志慨想之不可得今觀元白所收墨本為之憮然
然吳中近為海寇剽劫痛非昔日矣縱使石湖老人
見之吾恐不賦田園而賦洗兵馬也

立牘
記

如愚居士書滿庭芳詞

昔僧有言儒門淡泊收拾不住所以皆歸于佛此言
雖夸然人實有或因省悟或因不偶而逃之者金陵
牛首山辟支佛方塔上有宋如愚居士滿庭芳詞云
吾乃當塗棄儒奉道遵行聖海多年已逾三紀截滅

六塵緣習業自營度日未曾謁見豪賢般若力掀翻
煩惱坦蕩獨脩然來斯千四載裝鑿佛像塔宇盡光
鮮造遮暘石道直至水碓邊都係束脩已鋤捨為助
道安禪知慚愧了無所得本覺性明圓字畫類山谷
後書淳祐四年十月望日如愚居士書後又書云庚
戌年九月初日化噫若居士者亦高人也哉

立牘記

范公亭詩刻

有范仲淹歐陽修詩石在青州府城西門外

古今碑刻記

石壁山詩刻

宋虞仲房詩刻在台州府黃岩縣南

古今碑刻記

草衣岩詩刻

岩上有張天覺詩在長沙府湘潭縣之北

古今碑刻記

御茶園詩刻

宋魏徹孫撰在建寧府

古今碑刻記

浮觴亭詩刻

宋文同建并詩刻尚存在成都府崇慶州西湖側

古今

碑刻
記

治平園詩刻

宋文同賦十詠在保寧府治東

古今碑
刻記

折柳亭詩刻

宋鄭淵詩在保寧府巴縣西門外

古今碑
刻記

燕居堂詩刻

宋陳堯咨之子義建有戒子詩八章石刻存在順慶

府渠縣

古今碑
刻記

旌善院詩刺

有韓琦挽蘇洵詩在眉州之墓頤山

古今碑刺記

南山詩刺

有宋人龍田詩在潯州府貴縣之南山

古今碑刺記

棲霞寺詩

上元令趙晟作刺在古佛菴五龕石柱上

金陵古金石攷

趙知府棲霞寺大巖詩

寺志不載新志有之南宋有數趙氏知府事不知詩

出何人

手摩一丈玉詩

米芾書在棲霞寺

金陵古金石攷

黃公履金陵雜咏刺

周沔書

金陵古金石攷

蘇子瞻書漁家傲詞

送王勝之在白鷺亭

金陵古金石攷

蘇子瞻三過堂詩刺

在永興寺何大監祠堂壁上見金陵瑣事

金陵古
金石攷

黃山谷書韓文公城南詩

山谷紹聖五年五月上荔枝灘舟中書此贈陳德之

元提舉李浩刺在府學尊經閣下

金陵古
金石攷

張文潛書李太白鳳凰臺詩

馬光祖跋倪垕刺在鳳凰臺上

金陵古
金石攷

朱文公書邵堯夫游伊洛詩

刺在徽州明尚書楊寧取置南國子監

金陵古
金石攷

趙忠肅公秋風詩

馬光祖書

金陵古
石攷

讀書城南詩

朱協極隸書在蘇州府學

寒山金
石林

海市詩

東坡書在登州

寒山金
石林

杜工部古柏行

龍岩草書在陝西

寒山金
石林

宋神宗詩

賜彥博

彥字上用
御書之寶

四紀忠勞著三朝聞望隆亨茲難老祉報在不言功
富矣勲彌大居焉貌甚冲西都舊士女白首踰瞻公

文潞公記


御賜詩記

元豐三年季秋 皇帝行大饗之禮于 明堂臣方
守魏被召侍 祠大禮慶成後四日特蒙 制恩進

位太尉保釐洛郊臣犬馬之年七十有五前此累年
章十數上以求致仕 聖慈俯憐舊物曲念老臣皆
未之許今復優進公位 俾守別都自顧衰殘非敢
當克俯伏辭避至於再三訖不獲 命乃以閏月二
十三日 陞辭翌日出 都仍錫宴于瓊林苑悉以
二府大臣押伴既又 臨遣中使內出寶器 俾醕
天醴以極魚藻之樂及賜 御詩以寵其行臣伏
思蒙厚恩荷 殊渥自近世逮本朝以來未有其比

則有弼臣惇奉 詔作序事義詳矣臣雖窮極語言
不能盡意惟知負戴天地生成之德感極而繼之以
泣恭惟 陛下聰明睿智煥乎有文 帝庸作歌光
紹前典伏自 臨御以來十有四載而英韶之韻雲
漢之章百執顙聞萬物思覩者久矣曾未之得夫何
老臣首蒙 天賜至榮至幸超絕等倫始在 都門
則已傳布于 宮省尋抵洛宅又得診示于吏民是
用圖金刻石以永其傳將與夫日月並期 天地同

久復使臣之子子孫孫相繼率勵保之守之亦克永
世至於老臣為不朽矣元豐四年正月三日河東節
度管内觀察處置等使守太尉開府儀同三司行太
原尹判河南府事西京留守司公事兼畿內勸農使
上柱國潞國公食邑二萬三千六百戶食實封一萬
一百戶臣文彥博謹記



六藝之一錄卷九十六

欽定四庫全書

子部

六藝之一錄卷九十七至九十九

詳校官中書_臣陸 湘

貢外郎_臣牛稔文覆勘

總校官檢討_臣何思鈞

校對官編修_臣沈清藻

謄錄監生_臣姚天開

欽定四庫全書

六藝之一錄卷九十七

錢塘倪濤撰

石刻文字七十三

宋刻題名

宋陳從古題名

右不知所刻處其語云至和二年歲次乙未夏六月

下旬休新釀抵熟佳果探成清泉可漱芳樹堪倚郡

守陳從古率通判王希顏邑令孫奕台幙陳確從事

趙頡杜仁壽會于岩石之上醉書以記共六十六字
楷法精妙予每愛之俟詳考以訂其所在

互牘記

瑯琊山題名

右簡翁藏瑯琊山諸賢題名一帙內有云治平二年
秋八月癸卯哉生魄伯兄子美與余挈幼子世偉為
瑯邪之遊觀月于曉光亭宿了了堂詰朝西觀瑯邪
洞飲寒泉并煮茶而還又明日往觀廣照上人之塔
由南嶺路以歸自初及今至山者三而未有如茲遊

之勝且悲也滁人雍成之為客長老僧繼詮在行責授滁州團練副使錢公輔題又後書云甲辰仲兄子玉續至余曩讀滁志恨不載諸聞人題名今觀此哀然巨函既已快古迹之未湮而讀之至此又如身在千岩萬壑中者然則古人謂游名山飛鴻踏雪題名只如雪後指爪者豈真無所見哉

立牘記

董元康題名

長清董元康權宰奉高挈家遊瑤池館觀元功弟題

字愴然久之政和四年七月二十一日質贄侍行

右小石刻在岱嶽觀予既錄唐碑往還數四道士
謂予曰昨發地得石刻二請觀之其文亦可采因
附焉下題因此

盛勛題名

政和戊戌仲夏二十九日被旨決獄恭謁祠下飭此
轉運判官盛勛公達題男志修侍行

右小石刻在岱嶽觀戊戌乃政和八年其年十一

月己酉朔改元重和曰決獄者讞而決之古無仲

夏斬決之事也

求古錄

范致君題名

武夷范致君久慕仙風自楚之魯遂登泰山以望八極之表有宋大觀元年正月廿三日記於是碑

石小石刻在泰山南麓后土廟

求古錄

錢伯言題名

宣和己亥九月廿四日面奉玉音至奉符催視獄祠

後一月伯言至自究明日具香燭以告上旨而罷醮
於會真宮獨登瑞雲亭早飯于行館遂同令寇庠丞
呂光問祠官曹欽承萊蕪令韓僖道士蘇彥弼謁岱
嶽觀留連祠上復自金母洞過青帝觀觀文僖丞相
遺刺遂游白龍潭真御苑玉芽於水中愛其泉石之
勝迺相與策杖散步還過雞籠峯始復有輿躬走社
首山視禪壇訪遺迹晚入乾元觀小飲翠陰亭而歸
知襲慶軍府事錢伯言題

右碑舊在宋天書觀後人移之州城內嶽廟中西

墀古松下行書大徑寸餘

求古錄

白龍池宋人題名

內供奉官李舜舉被命禱祀帝岳奉香勝槩於壽聖
節日先款青帝宮次詢白龍潭治平四年題

下云書吏李恭從行蓋此字即恭之字

兗守劉兗奉詔祈雪于岱宗登絕頂翌日謁白龍池
之祠元祐丁卯孟春初四日奉符令林會題

大字

貫道建欄于此以便遊者元祐丁卯正月八日

大字

元符庚辰七月晦趙習之徐安國弟居仁孫正仲同遊

大字

范陽正輔再遊同魯國景元符丁丑三月廿六日

皇甫偁徐端朝孫懌同遊建中靖國元年三月

缺

日題

奉符令李珪因捕蝗恭謁白龍祠男彙侍行崇寧壬午孟春初七日誠中君實德升崇寧二年八月廿六日自王母池來訪此

董元康政和甲午重九日攜家來遊質贄賁侍

自恭觀元康兄留字正和乙未孟冬二十日

莆陽陳國瑞子玉恭謁白龍祠池俯洞酌泉小憩而

邁政和丁酉夏前二日

大字

姜子正子方李晉道劉言可刁文叔同來庚子四月

李顯道張公美王仲與張去塵庚子孟夏十九日遊

池上

郵城李儋弟俊姪贛隨侍遊此癸卯孟春廿八日

張子觀水于池十三年春三月 篆書大字無年號
按宋朝紀年無有至十三年若曰金元又不合一代
全無題名止此一人也

右在嶽西傲來峯下白龍池壁上平廣計二十餘
丈書曰龍潭曰白龍池並大字其傍皆宋人題名
尚未刊缺錄之得十五首其文畧無重複自治平
迄宣和六十年間人名字亦可以想見當日太平
之盛而金元以降洊遭兵火而名山輿區委之榛

莽無復有題名者矣 張子觀水于池篆書張字
作𢇛按劉原父𢇛仲匿銘釋𢇛為張以為張仲之
器歐陽永叔從之趙明誠金石錄疑之黃長睿東
觀餘論則云𢇛其勿反非張字考之王篇信然此
云𢇛子則為張子無疑蓋宋人之好奇者據原父
永叔所定之字而用之耳

求古錄

靈巖寺王淵題名

方渠王淵幾道緣職事訪如師和尚徧觀靈巖勝迹

當日迴歷下

宣和己巳六月十二日書

北嶽廟蘇軾題名

蘇軾禱雨嶽祠同李之儀李士龍郭長卿孫敏行

缺

賈溫之

右小石刺舊在嶽廟今移縣治賓館又有子瞻書
詞歸去來芳一闌清夜無塵一闌九十日春一闌
用石二片兩面書之舊在縣西北二里水竇巖今

移岳廟皆大字 其詞見蘇文忠公集中

求古錄

晉祠宋人題名

熙寧戊申歲秋九月十四日范陽盧大雅君美臨川
王安禮和甫清源王本安國同謁晉祠舍均福堂明
日如白雲石甕宿明仙又明日遊甘泉開化而歸本

題

本字从木从十

太原王安修世長廣平程易先之安陽蔣畋渭公熙

寧癸丑孟夏同遊

龍圖閣學士河東經畧安撫使曾布提點刑獄朝奉
大夫范子諒躬率寮吏禱雨祠下通判太原軍府事
田盛高復簽書河東節度判官盧訥知陽曲縣馮忱
之走馬承受王演檢法官史辨從行元祐丙寅歲七
月十三日訥謹題 刊者任貺開封苗仲淵師顏自
湖南提刑移本路政和五年十月晦祇見祠下男丕
侍

王安禮題名

臨川王安禮赴官太原過謁祠下因與錢塘楊世昌
河南張仲咨會於泉亭熙寧戊申三月十四日題

右題名在太原縣晉祠御書碑陰其碑為晉祠之
銘并序唐貞觀二十一年太宗御製并書其文世
多有不錄獨碑陰字體不一其上右方云司徒太
子太師上柱國趙國公臣無忌太子太保上柱國
宋國公臣瑀特進太子詹事兼衛率上柱國英國
公臣勣光祿大夫刑部尚書上柱國鄆國公臣張

亮禮部尚書上柱國江夏郡王臣道宗太常卿駙
馬都尉柱國安德郡公臣楊師道正議大夫守中
書令太子左庶子兼攝吏部尚書護軍臣馬周凡
七行則當日題者今世流傳摹拓本無此不為完
碑其餘則皆宋人續題錯亂無次其空處又有洪
武二年行省參知政事楊憲題而絕無一唐人題
者以御書之碑無敢擅刺者故也今入錄者四條

求古
錄

惠明寺碑陰題名

普慈王植安陽王孝彥西河文大方臨川王安禮祀
神歸憩此辛亥三月十四日

太原縣北門外惠明寺塔碑宋元豐八年呂惠卿
撰并書其陰下方有此三十一大字餘題尚多不

錄

求古
錄

范知章靈巖寺題名

高平范知章希聖公量餞弟敏求赴官相臺太原王

廣淵同來題

治平四年十月二十日寺主賜紫廣化大師記

求古錄

華岳題名

華岳陳執中題名在碑陰韓賞文之下

金石文字記

嵩陽石柱題名

嘉祐己亥黃通介夫書

嵩陽石刻記

焦山題名

焦山蘇大雅題名治平甲申石刻隸書

許國誠京口三山志

孔子祠墓題名

宋宣和間有范致冲題名刻石字法踈朗恨其作元

長手脚不無迎合之意

墨林快事

歲寒堂題名

有李誠之蘇東坡題名石刻在東平州城內

古今碑刻記

雲門山題名

富弼題名石刻在青州府城南

古今碑帖考

靈巖寺題名

政和乙未趙子明題名

金石文
字記

靖康元年高直臣題名

金石文
字記

泰山真宗封禪碑陰題名

呂升卿為京東察訪遊泰山題名於真宗御製封禪

碑之陰刊刻搨本傳於四方後二年升卿判國子監

會蔡承禧為御史言其題名事以為大不恭遂罷升

卿判監

魏泰東
軒筆錄

米芾金山龍游寺題名

米芾遊金山龍游寺題名後有翟靜叔題跋草書二

行筆法駸駸逼古人

碑刻
攷

紫微巖

陳同甫金華北山普濟院記云吳越王建寺於巖麓

曰九龍慶歷六年郡守闕公命河南許歸以氈筆書

紫微巖三巨字鐫之石

龍川
集

南屏山家人卦

南屏山興教寺磨崖家人卦中庸大學篇司馬溫公

書錢塘自五季以來無干戈之禍其民富麗多淫靡之尚其於齊家之道或闕焉故司馬公書此以助風教非偶然為之也

葉紹翁四朝聞見錄

高唐觀石刻

高唐觀在來鶴峯上廟中石刻引庸城記瑤姬西王母之女雲華夫人助禹斬石疏波有功封妙用真人

廟額曰凝真觀

范成大吳船錄

卞忠烈墓前華表

宋龍圖閣學士葉清臣書

金陵瑣事

蟠松二大字

蔡襄書在蘇州府靈巖

寒山金石錄

虎邱劍池四大字

襄書相傳為顏魯公書今查舊志訂為蔡公書

寒山金石林

萬安橋

劉澤閩人善大字嘗書萬安橋三字在海石上徑三尺

許有隼尾存筋之法時蔡襄造橋不自書澤書之

書史會要

姚武功書

王順為武功令縣故有姚武功書刻久且蝕矣乃更

以五體書刻而識之

康海武功志

泗瀾二大字

蘇東坡書在黃州府蘄水縣蘭峯

古今碑刻記

萬山第一四字

蘇東坡書在雷州府天寧寺

古今碑刻記

米芾方員菴石刻

此米字之最有助合作者乃以菴之增修好事者適得米老舊搨以補亡而恰遇一顛倒裝潢者錯其先後遂據之入石虎林遊人如織莫有為之是政者余早得此本亦以為裝家誤旋入杭摩挲石下依然誤也因另搨二紙為之改裝則文從理順不致誚一公為僞父顛士為糊目矣欲再一正其石而匆匆北歸當賒此恨因識於此嗟乎余所手正之本或未必傳而此段儻不泯泯則後來見者豈遂乏一慧心之彥

為了吾恨者余之汲汲老而為此者半欲為後人一
二眼耳用寄示此一寸於永永豈區區誇蠹魚之架
哉天啟乙丑九月三日

墨林
快事

第一山石刻

米芾書在鳳陽府盱眙縣東

古今碑
刻記

此刻在盱眙縣中南樓觀石乃摹刻耳縱逸飛動殊

有一夫當關之勢

石墨
鐫華

南明山三字

米芾書在處州府高陽洞

古今碑
刻記

唐公巖題字

九華蕉筆巖亦名唐公巖有黃大臨諸人題字

周必
大九

華山
錄

黃大臨庭堅兄也

晁无咎題字

妙高臺上絕頂有晁无咎題字

周必大乾道
庚寅奏事錄

無為子題字

廬山景德院有元豐間無為子題字

周必大廬山後錄

楊傑字次公無為人自號無為子

程正輔題字

九華觀音巖有程正輔題字

九華山錄

程之才字正輔眉山人士東坡母成國太夫人程氏之姪見東坡詩註

龍泓洞篆字

臨安龍泓洞有蔣之奇篆字

湖山勝槩

陸子泉廬山二字

三峽橋泉為陸子泉旁有沈錫大書廬山二字

廬山後錄

墨池二大字

朱芾書在廬州府無為州治

古今碑帖攷

胡明仲題字

七里灘壁間有胡明仲題字刻石

朱子文集

岳武穆題字

金沙寺有岳飛已酉歲留題刻石詞甚壯

周必大汎舟錄

靈壁石上刺字

靈壁卧石上有刺字并小詩皆向鄉林伯恭書

雲烟過眼

錄

玉兔泉

秦檜能篆嘗見金陵文廟井欄上刺其所書玉兔泉

三字亦有可觀

書史會要

艾山石壁題字

艾山石壁咸淳二年長沙趙鼎題字徑四寸許筆法

甚似晦翁

符衍澤
陽志

朱文公字刺

上帝臨汝無貳爾心八大字一碑字徑尺在江西撫
州府學

脫去凡近四大字在瑞州府學

光風霽月四大字朱子書于江西白鹿洞福州模刻
畊雲釣月四大字朱子書在福州府

讀書二大字朱子書與劉礪刻于方安里三寶巖在

長樂縣

容膝

天光雲影朱子書于雲谷

以上俱格
古要論

小山叢竹四字朱子書在晉江縣西北

匙澗泉三字朱子書在建陽縣資化寺

天風海濤石扁朱子書在福州府東南鼓山

道鄉臺石刻朱子書在長沙府岳麓寺

風雲亭鐫朱子書在南康府北華蓋山

以上俱古
今碑刻攷

致廣大十二大字

宋建安蔡抗書致廣大盡精微極高明道中庸凡十二字計四碑字方尺二三寸在鎮江府學壁上匣石

格古
要論

清氣二大字

文丞相書在玄潭觀雪浪閣後壁上字徑五尺

大魁字

文丞相書刺廬陵縣學前有魁星贊字方一丈其堂曰進士第一之堂乃劉道存書

禮義廉恥四大字

宋張南軒書二碑俱在廬陵縣學

乾坤清氣四大字

松軒書字方五尺在道州

秀山斗門四大字

宋龔穎為常德太守篆此四字劉海蟾遊斗門曰此秀水乃武陵郡一條玉帶也又有玉帶河三大字在

武陵辰溪西

已上俱格
古要論

雪香亭石刻

宋文彥博書在順德府舊府治

古今碑帖攷

福壽二大字

陳搏書在西安府華陰縣石壁

德書堂石刻

宋毛澤民以蔡襄所書四榜十二字刻之堂中石在

州治

文脊山石刻

有宋梅堯臣張獻民同遊詩在寧國府西

秋浦樓石刻

宋趙范刺東坡詞山谷字于石壁在池州府之東城上

玉峯壽字刺

宋嚴華刺漢武登嵩山所刺壽字于峯石上在池州

府建德縣

普門嶺刺字

朱文公書普門嶺三字刺石在建德縣之南

景蘇樓鐫石

宋曹訓摹蘇軾遺像及詩鐫于石在徽州府績溪縣
釣臺明月灣鐫字

黃庭堅書在南昌府武寧縣雙井側

歲寒二字

宋周冕鐫在饒州府德興縣西

玉淵鐫字

宋張孝祥書在南康府西北

秀溪篆刺

宋曾宏迪刺在臨江府新塗縣之北

新豐吟石刺

黃庭堅書在瑞州府新昌縣普利寺

石乳洞刺

宋鄭王賓鐫在袁州府城東

棲霞閣題刺

宋王欽若詩在袁州府舊高真觀

六逸石題刺

宋元豐八年刺在蘄州之二角山

觀頤視履石刺

宋潘震書在蘄州三角山

風雲奇觀四字石

石刺風雲奇觀四大字下有詩無姓氏在荆府

岳陽樓石刺

宋滕宗諒取古今題咏刺石樓上在岳州府城之西

朝陽巖石刻

岩多古今名賢題咏內有元次山銘篆字及黃山谷
題名在永州府西瀟水上

清波湖題刻

宋鄭清之題在靖州會同縣之南

宋尊石刻

宋張舜民作在郴州江畔

清獻梅三字

宋趙抃植梅後人立石刻清獻梅三字在建寧府崇安縣治

水簾洞石刻

朱文公諸賢嘗刻石紀遊在武夷山丹霞嶂

涼暑亭石刻

黃庭堅書在叙州府南溪縣騰龍山

桂倫石刻

黃庭堅書在南溪縣西

古楚宮石刻

黃庭堅謂卽細腰宮石刻在巫山縣西北

白鹽赤甲四大字

白鹽赤甲二山名張恍書四大字于白鹽山在夔州府城東

滴乳巖字

黃山谷書在瀘州城之西

賢範堂書刻

宋雷簡夫以書薦王蘇于張方平後人刻其書于石
在雅州治內

政寶堂石刻

有蘇黃諸刻楊萬里跋在韶州府治內

碧落洞石刻

有唐宋名賢題咏在英德縣之南

拙窩石刻

朱子書扁以周子拙賦刻于巖石間左右多名賢題

刺在潮州府治文惠堂

玉乳巖石刻

宋李綱書在德慶州

小洞天石刻

宋毛奎書在崖州南試劍石上

澹菴泉刺

胡澹菴飲此後人刺號石上在瓊州府臨高縣西南

唐帝祠刺石

宋張栻有謁帝祠詩刻于石在桂林府之東北

真仙嵒磨崖書

宋張孝祥磨崖大書天下第一真仙之嵒在柳州府

融縣東

十箴堂石刻

刻宋周必大十箴于石在平樂府賀縣

華光堂石刻

刻秦少游像與文于石在藤縣之北

蓮巢亭石刻

刺東坡書帖在潯州府貴縣治

已上俱古
今碑帖攷

雞冠石題字

馬光祖總司園中石與客賞雞冠花刺于石上字畫

深入在洞神宮西

金陵古
金石攷

邀蘧步石刻字

三大字在秦淮上水門見金陵瑣事

同上

金華觀飛白書

金華觀三洞上為朝真中為冰壺下為雙龍三石扁

皆飛帛書立下洞口觀有天下名山四大字

謝翱金華游錄

金華山隸字

金華山中蕭閒樓有減筆隸書物化二字極佳

同上

燕兒礮石刺

燕兒礮上山數十步有石洞刺云劉公巖

周必大吳山錄

知保順州田承恩誓狀

天聖五年刺石在火木寨

輿地碑目

峴山幢宋人題名

襄陽峴山羊公祠有石幢一枚凡六面高六尺每面闊九寸有蓋有座一面直書下第一行刺使帖襄陽縣第二行刺准慶歷七年十一月六日中書劄子襄州奏當州城南五里有峴山一所上有古祠碑又有晉太傅已下俱磨滅僅存聖旨字末行上存帖到速採石大字書刺上件其四面界作六層刺詩不題名又一面大書題名又幢一卧峴山上其文可辨者十三字

白石於山巔播清芬而不已餘盡漫漶未云開國男
張九齡撰前一幢詩可辨者三首尚書工部員外郎
直龍圖閣知襄州事王洙七言古詩云襄陽南出大
路奔小山曰峴名特尊山形卑陷不峻極屹若巨首
臨江瀆大山半空不成霍絕水闕左非為疊礪巔巔
巔戴危石箕踞曼衍羅芳蓀漢流長蘅濱其足東望
瀾迤皆平原槎頭下瞰罟畱集蔡洲近眺田園蕃何
物茲山匪秀出得使今古聞聽喧自昔羊公好登覽

山名直為賢者存鹿門望楚鎮區境鳳林冠蓋延山
樊丹巖翠壁互幽勝日月虧蔽煙嵐屯公胡遺彼而
樂此談者未始聊診綸吾謂聖達竟超豁高覽便欲
周乾坤孔登泰山小天下既升廣武歎豎缺會稽探
穴禹書出之杲望海雲濤翻此中風景亦虛遠極目
見盡江山源東吳未定勞機策置酒嘯咏紓勞煩數
顧溫甫恤躬後誓將百歲游精魂對公盛德興山水
正惟湛輩如公言今茲去公僅千載凜然英氣猶軒

軒我來追古一長息舊迹廢毀成悲吞民豪占山童
其木嘉植不得容本根利取薪蘇積糴秦粥之陶旂
供燒燔羊公無廟忽不祀但縱淫鬼歆牲縻小亭有
碑即墮淚至今觀者懷仁恩於民何誅不足問非民
忘德由官愒下教里邑復祠宇叙諸祭典躋之元思
仁愛樹恭所爰禁止樵伐修墺垣且欲王命得守固
謦言狀事馳九閣書聞天子缺報可金石款刺垂後
昆缺五字

遺愛勛爾風化常

缺二

給事中知蔡

州事吳育絕句羊公千載得清吟芳迹雖遙契夙心
更與峴山為故事凜然風格照來今尚書屯田員外
郎知光化軍事李宗易律詩叔子祠荒歲已深異時
賢守重登臨峴山岑寂瞻風曄漢水靈長想德音奉
詔始聞新締葺有知那復歎湮沉又刊翠琰留南夏
先後功名照古今其端明殿學士尚書禮部侍郎李
淑諸人詩皆缺已上每面十一行十二字名字可辨
者范仲淹李淑吳育劉敞李宗易張去惑孫抗韋不

伐李康伯賈黯裴昱馬雲黃通連庠又宋人飲醖題
名甚多知名者張唐英趙德麟魏道輔岑巖起李方
叔已上凡七則大者方員徑寸小者殺其半字畫端

勁非俗書也

王士禎池
北偶談

六藝之一錄卷九十七

欽定四庫全書

六藝之一錄卷九十八

錢唐倪濤撰

石刻文字七十四

遼碑

燕山雲居寺碑

鹽鐵判官朝議郎行右補闕王正誼鄉貢進士鄭熙

書

吉金貞
石志

元祐唐寺碑

統和五年知薊州軍州事判官文林郎試秘書省校

書郎李仲宣撰文沙門德麟書

盤山志

三教寺佛頂尊勝陀羅尼幢記

講僧真延撰并書

遼史道宗紀

感化寺碑

乾統七年漁陽南抃撰文沙門肅回書

盤山志

雲居寺續鐫石經記

趙遵仁撰清寧四年

天下金石志

雲居寺續秘藏石經塔記

沙門志才撰天慶八年

天下金石志

西望山舍利碑

在宣府

天下金石志

石刻文字

金碑

金太祖武元皇帝平遼碑

在南城豐宜門外韓昉撰文字文虛中書

迺賢金臺集

金太祖天會十三年立開天啟祚睿德神功之碑於

燕京城內

金史太祖本紀

中嶽廟碑

此碑正書方整遒勁蓋習清臣誠懸而蕪運以永興者于金碑中最為妙品書者名郝史不立傳亦無書名觀其結構王庭筠輩似不及也黨懷英號為能書乃任篆額不任書知郝書在當時亦自知名碑立於大定中與博州碑同時世宗勵精政事頗稱太平故

以其暇得修祀事耳

石墨
錫華

重修孔廟碑

王去非文黨懷英額王庭筠書稱三絕在東昌府

寒山

金石
林

右黨懷英隸書在周西嶽碑之上

立牘
記

堯帝廟碑

金趙秉文記在河南彰德府城乞伏村

古今碑
刻記

蘆山真君廟碑

金陳尹撰在登州府黃縣西南

古今碑刻記

佑聖王靈應碑

貞元元年許復書

日下舊聞

先主廟碑

涿州有昭烈廟王庭筠撰記及書篆庭筠在金與黨

趙輩俱負能書名行筆絕類南宮父子正書稍存庶

隅雖筋骨不乏而姿態遠遜矣

弁州續集

香山寺碑

在宛平縣李晏撰

天下金石志

大興隆寺碑

在宛平縣李晏撰

天下金石志

戒壇波離尊者碑

在宛平縣

天下金石志

感化寺番字碑

碑陰譯以漢字在薊州北二十里本寺

天下金石志

後宿山寺碑

王珙撰在大同山陰縣

天下金石志

慶壽寺碑

金黨懷英八分書最妙正統中惜為中人所毀

格古要論

明威將軍隴西郡開國伯李磐神道碑

高德裔撰并書

黃圖雜志

大金開府儀同三司金源郡壯義王完顏公神道碑

在遼東船廠西二百里碑甚高大額上篆二十字

碑文楷字其畧曰王諱婁室字幹里衍與國同姓古今

碑刺
記

高汝勵墓碑

在應州

天下金石志

元好問墓碑

在太原府忻州東南

古今碑刺記

邊元忠碑

在大同府城石橋東

古今碑刺記

洗河橋碑

金李守純撰在兗州府汶上縣東

古今碑
刻記

思潛亭碑

大定中立在鎮原縣

天下金石志

懷范樓碑

泰和中立懷范仲淹也在長山縣

天下金石志

鎮山亭碑

金耿光祿撰在懷慶府城上

古今碑
刻記

陽城尹張格去思碑

在陽城縣

天下金石志

臨洮尹龐迪政績碑

在臨洮府

天下金石志

普照寺牒碑

大定五年有尚書禮部之印大篆文

金石文字記

汴城東光教寺普賢洞記碑

皇統四年奉議大夫行臺吏部郎中飛騎尉施宜生

撰并書後為金相其字步驟東坡

癸辛雜識

香水寺頭陀大師靈塔實行碑

正隆六年中都沙門知心撰善進書

盤山志

博州重修廟學記

王庭筠在金與趙秉文黨懷英輩同負書名而庭筠書酷似南宮此書是也攷是時庭筠父遵古實成廟學事王去非記之而令庭筠書之故尤為得意豈額

者即懷英也

石墨
鐫華

右黃華行書全學南宮史言老人儀觀秀偉善談吐

胸次不在元章下觀之信可見矣元白收法書極富
長夏坐鶯羣閣臨摹不輟手予每借閱之故為題此

蒼潤軒
碑跋

博州廟學碑陰記

此亦王庭筠書其父記字差大結構風骨似不及前

碑
石墨
鐫華

黃華老人此書駸駸遂侵凌米顛只欲與之分庭抗
禮虎兒在階下便當縮項爾嘉靖甲寅六月十八日

睡起題

蒼潤軒
碑跋

太原重修學記

王庭筠行書老人此書在博州二碑之下吾鄉嚴子

寅先生性嗜米書兼畜學米得名者蓋亦從流遡源
之意今乃都歸元白元白其勿厭觀也哉洗硯磯邊

夏水正漲日臨百過足矣

蒼潤軒
碑跋

普照寺興造記

唐文皇曠世雄才削平海內以其餘力恣意臨池其

臣又有率更永興輩共成之故能

缺

教師法千

秋自此而後集書未有及之者普照碑建自金敵當
兵戈草昧之後有仲汝尚文頗盡致而集公權書方
整遒勁緊密處殊勝公權自書不啻與聖教代興碑
署仲汝義刺疑集書即出其手不有君子其何能國
金之謂矣碑云寺是王右軍故宅未辨真偽而王元

美直以為淮南公捨是又增一妄也

石墨
鐫華

咸陽縣令題名記

大定五年張決記無書人姓名在縣宇壁楷亦可觀

咸陽金

石遺文

靈巖寺田園記

在長清縣靈巖寺明昌六年

金石文
字記

六聘山天開寺懺悔上人墳塔記

大安中諫議大夫乾文閣大學士知制誥王處中撰

布衣賈溉書

國門近
游錄

憫忠寺舍利函記

大安十年檢校太師行鴻臚卿聰辯大師沙門善製

門人義中書

帝京景物畧

靈巖寺記

明昌七年黨懷英撰

來古錄

普照寺記

集柳公權書在山東沂州

寒山金石林

都統經略郎君行記

郎君稱皇弟無姓名天會十二年紀當為太宗之弟

按金史世祖子十一人自康宗太祖太宗而外尚八人未知誰是碑一字不能辨蓋女直字如此王元美所錄明王慎德四夷咸賓八字正與此同法而此凡一百五字后有譯書漢字具錄左方亦一異也字刺乾陵無字碑上

碑字畫不可辨難于抄錄姑闕之以待善書者補足但錄其繹文於左

大金皇弟都統經略郎君嚮呂彊場無事獵于梁山

之陽至唐乾陵殿廡頽然一無所睹爰命有司鳩工
修飾今復謁陵下繪像一新回廊四起不勝欣懌與
醴陽太守酣飲而歸

天會十二年歲次甲寅仲冬十四日尚書職方郎中
黃應期宥州刺史王圭從行奉命題

試劍石頌

樊倫撰在真定府

古今碑
刻記

茶泉銘

黨懷英篆在曲阜縣

古今碑
刻記

靈巖寺金王珩詩

巡按詣靈巖名利禮佛焚香憩坐于超然亭覽堂頭

琛公佳製謾繼巖韻 山東路提刑王珩

鍾山英秀草堂靈林下相逢話愈清聞道謀身宜勇
退得閒何必待功成

明昌五年十月十五日上方靈巖禪寺住持傳法沙

門廣琛立石

求古
錄

靈巖寺路伯達詩

琛公堂頭和尚有題超然亭頌因次其韻 冀州節

度使路伯達

六合空明現此亭本來無垢物華清客來便與團

坐萬偈何妨信手成

明昌五年十二月十五日上方靈巖禪寺住持沙門

廣琛立石

求古錄

龍巖古柏行

古柏行相傳金人書以龍巖題而開碑立石皆僧號
似書人亦僧不可詳矣字出顏魯公峻峭過之全不

作蘇黃習氣亦行草中特出者

墨林
快事

班彥公竹溪四絕句

黨懷英書在濟寧州戟門西壁上

寒山金
石林

真人郭志空賦詩刺石

蒲臺縣東南太清觀

金石
表

六逸堂石刻

金黨懷英撰在泰安州徂徠山

古今碑
刺記

大基山石刻

金劉國樞記在萊州府城東

古今碑
刺記

靈巖寺石刻

正隆丙子張汝為題名

求古
錄

大定戊戌蕭守忠題名

全
上

駐蹕山石刻

金章宗遊此石刻駐蹕二字又栖雲嘯臺四字在昌

平縣西南

古今碑
刻記

大興隆寺石刻

金章宗書飛洪橋飛渡橋六大字寺在順天府城西

北

古今碑
刻記

金王庭筠詩石刻

帝遣名山護此邦千家瑟瑟嵌西窓山僧乞與山前

地招客先開四十雙

四十字作卅四
畝為雙見輟耕錄

挂鏡臺西挂玉龍半山飛雪舞天風寒雲直上三千

尺人道高歡避暑宮

王母祠東古佛堂人傳棟宇自隋唐年深寺廢無僧
住滿谷西風栗葉黃

手拄一條青玉杖真成日挂百錢游夕陽欲下山更
好深林無人不可留

右在汾州府學宮凡四通其末云黃華老人王庭筠
行草四詩刻石於汾之學宮者殆五百年矣但歲久
石泐字畫漫漶嘉靖乙丑之秋分守左參政餘姚宋

公岳省覽咨惜乃令州守王大經同知趙崇儒別覈石四面以新安儒生程本模勒判官楊守公經理刺成仍增置一亭貯之庭筠之書號稱墨妙幾廢之餘逢此翻繕煥若神明頓還舊觀矣郡人孔天肩謹記志云黃華老人王庭筠字子瑞金大定十六年進士官至翰林修撰嘗買田林慮讀書黃葉山寺因自號焉父遵古為汾州觀察判官省親至此行書詩石二面史稱書法學米元章端雅過之

求古錄

六藝之一錄卷九十八